

四庫全書

史部

欽定四庫全書

史部

大唐開元禮卷

八十四至
九十三

詳校官編修臣曹錫齡

編修臣程嘉謨覆勘

總校官編修臣王燕緒

校對官中書臣吳俊

謄錄監生臣劉宗望

欽定四庫全書

大唐開元禮卷八十四

唐

蕭嵩等

撰

軍禮

皇帝親征禡於所至之地

親征及巡狩郊祀有司輟於國門

親征及巡狩登所過山川

平蕩寇賊宣露布

遣使勞軍將

皇帝親征禡於所至之地

將祭有司卜日如別儀前祭一日皇帝清齋于行宮凡預祭之官清齋于祭所近侍之官與從祭羣官及諸軍將皆于軍幕清齋一宿諸衛令其屬各以其方器服守衛墻門亦清齋一宿尚舍直長施大次于外墻東門之內道北南向尚舍奉御鋪御坐守宮設文武侍臣次于大次之後文官在左武官在右俱南向設羣官次于東門之外道南北向西上設諸軍將次于南墻之外道東西向北上右校修除祭所又為瘞瘠于神坐西北內墻

之外方深取足容物前一日奉禮設御位於神坐東南西向設望座位于神座西南當座塙北向設祭官位於御位東南執事者位於其後俱重行西向北上設御史位一位於神座西南東向一位于神坐東南西向設奉禮位于祭官西南贊者二人在南差退俱西向北上又設奉禮贊者位于座塙西南設從祭羣官位于祭官之南俱重行西向北上設軍將位于南廂重行北西上設門外位祭官以下皆于東壇之外道南從祭羣官位于祭官之南俱重行北向西

上軍將位于南牆之外道東重行西向北上兵部侍郎

建二旗于南門之外

去門三十步

郊社令帥府史及齋郎以

樽坫罍洗篚冪入設于位犧樽二象樽二山罍二皆於神

坐東南俱北向西上

尊皆加勺冪有坫以置爵

又設御洗于酒樽東

南諸將罍洗又于東南皆北向罍水在洗東篚在洗西

南肆

篚實以中爵

執樽罍篚冪者各于樽罍篚冪之後設幣

篚于酒樽之所祭日未明十五刻太官令預備特牲之

饌

牲以

未明四刻郊社令奉熊席入設黃帝軒轅氏神坐

于壇內近北南向兵部侍郎置甲冑弓矢于坐側建稍

于坐後未明二刻郊社令良醞令各帥其屬入實樽罍

及幣

犧尊實以醴齊象尊實以盎齊山罍實以清酒齊皆加明水酒加玄酒各實于上尊

太官令

帥進饌者先入就位贊者引御史太祝與執樽罍篚

者入當神座前重行北向西上立定奉禮曰再拜贊

者承傳

凡奉禮有詞贊者皆承傳

御史以下皆再拜執樽罍者各就

位贊引引御史太祝行掃除訖引就位皇帝服武弁之

服詣祭所諸將與從祭之官皆戎服陪從如常駕將至

謁者引行事之官皆就東門外位駕至大次門外下馬
之大次太祝令以祝版進御署如常謁者贊引各引從
駕羣官及諸軍將俱就門外位謁者贊引各引祭官及從
祭羣官諸軍將等次入就位皇帝停大次半刻頃太常
博士引太常卿立于大次門外當門北向侍中版奏外
辦皇帝入門伏衛停于門外近侍者從入如常皇帝至
版位西向立

每立定太常卿與
博士退立于左

太常卿前奏請再拜退復

位皇帝再拜奉禮曰衆官再拜衆官皆再拜太常卿前

奏有司謹具請行事退復位太祝跪取幣于篚興立于

樽所

凡取物者皆跪俛伏而取以興奠物則奠訖俛伏而後興

太常卿引皇帝進神

坐前北向立太祝以幣授侍中侍中秦幣東向進皇帝受

幣太常卿引皇帝進北面跪奠于神坐俛伏興太常卿

引皇帝少退北向再拜訖太常卿引皇帝還版位西

向立于衆官拜訖太官令出帥進饌者奉饌陳于

東門之外謁者引司徒出詣饌所司徒奉俎皇帝既復

位太官令引饌入太祝迎引設于神坐前施設訖謁者

引司徒以下還本位太祝還尊所太常卿引皇帝詣罍
洗侍中黃門侍郎贊洗授巾爵並如常儀謁者引司徒
進立于樽所齋郎奉俎立于司徒之後皇帝洗爵訖太
常卿引皇帝詣樽所執樽者舉罍侍中贊酌醴齊訖太
常卿引皇帝進帝軒轅氏神坐前北向跪奠爵俛伏興
太常卿引皇帝少退北向立太祝持版進于神坐之右
東面跪讀祝文祝文臨時
隨事撰訖興皇帝再拜太祝進奠版
于神坐還樽所太祝以爵酌上樽福酒以授侍中侍中

受爵西向進皇帝再拜受爵跪祭酒啐酒奠爵俛伏興
太祝帥齋郎進俎太祝以俎減神前胙肉如常太祝以俎
授司徒司徒奉俎西向進皇帝受以授左右皇帝跪取
爵遂飲卒爵侍中進受爵以授太祝太祝受爵復于堦皇
帝俛伏興再拜訖太常卿引皇帝還版位西向立謁者
引司徒還本位謁者引上將詣壘洗盥手洗爵詣酒樽
所執樽者舉罍上將酌盃齊訖引詣神坐前北向跪奠爵
興少退北向再拜太祝以爵酌壘福酒進上將之右西

向立上將再拜受爵跪祭酒遂飲卒爵太祝受爵還樽
所上將興又再拜訖引還本位謁者又引次將詣罍洗
盥手洗爵終獻如亞獻之儀訖引次將還本位太祝進
徹豆還樽所

徹者邊豆各一
少移于故處

太常卿前奏稱請再拜退

復位皇帝再拜奉禮曰衆官再拜衆官在位者皆再拜
太常卿前奏請就望瘞位太常卿引皇帝就望瘞位北
向立奉禮贊者轉就瘞埽位于衆官將拜太祝執篚進
神坐前取幣北行當瘞埽西行至瘞埽太祝以幣置于

塙訖奉禮曰可瘞塙東西向各四人寘土半塙太常卿
前奏禮畢太常卿引皇帝還大次侍衛如式謁者贊引
各引祭官及從祭羣官與諸軍將以次出奉禮贊者退
復位御史太祝以下俱復執事位立定奉禮曰再拜御
史以下皆再拜贊引引出其祝版燔于祭所皇帝還行
宮如來儀若備六軍及嚴鼓作止如類告之禮

親征及巡狩郊祭有司輶於國門

車駕出日右校預於國門外委土為輶

輶謂為山象也

又為瘞塙

于神坐西北方深取足容物太祝布神坐于輶前南向
太官令帥宰人剝羊郊社令之屬設尊罍篚饔于神坐之
左俱右向置幣于尊所駕將至太祝立于罍洗東南西
向祝史與執尊罍篚饔者俱就尊罍所立太祝再拜詣
樽所取幣進跪奠于神坐興還本位進饌者薦脯醢于
神坐前加羊于輶西首太祝詣罍洗盥手洗爵詣尊所
酌酒進跪奠于神坐興少退北向立讀祝文訖

祝文臨
時撰

太祝再拜還本位少頃太祝帥齋郎奉幣酌酒饌物宰人

舉羊肆解之太祝并載埋于瘞寘之執尊者徹壘籩席
駕至權停太祝以爵酌酒授太僕卿太僕卿左執轡右
受酒祭兩軹及軹前

軹軹末
軹軹前

乃飲授爵轆轤而行

親征及巡狩告所過山川

前一日諸告官俱清齋于告所執事者預脩除告所又
為埋瑤當神坐之南如常方深取足容物太官令備牢饌
山鎮海濱用太牢中山川用少牢
小山川用特牲若行速即用酒脯告日郊社丞布神席
於告所近北南向設酒尊于神坐之左而右向設洗于酒

尊東南北向罍水在洗東篚在洗西南肆

篚實以巾爵

執尊

罍篚冪者各立于尊罍篚冪之後奉禮設告官位於罍洗

東南西向執事者位于其後北上設奉禮位于告官西

南東向贊者二人在南少退所司實尊罍俎豆太祝實

幣篚齋郎取豆血

幣長一丈八尺隨牲色用

奉禮帥贊者先入就位

執尊罍篚冪者次入就位謁者引告官以下次入就位

立定奉禮曰再拜贊者承傳告官以下皆再拜謁者進

告官之左白有司謹具請行事退復位奉禮曰再拜告

官以下皆再拜太祝以幣授告官告官受幣謁者引告官詣神坐前北面跪奠幣俛伏興少退再拜告官復位太官丞引饌入太祝迎引設于神坐前太官丞以下還本位謁者引告官詣罍洗盥手洗爵訖謁者引告官詣酒樽所執尊者舉竊告官酌酒訖跪進奠于神坐俛伏興少退北面立太祝持版進于神坐之右東向跪讀祝文祝文臨時撰訖興告官再拜太祝進跪奠版于神坐俛伏興還樽所太祝以爵酌福酒進告官之右西向立告官再拜

受爵跪祭酒啐酒奠爵俛伏興太祝帥齋郎進俎太祝
臧胙如常太祝以俎授告官告官受以授齋郎告官跪取爵
遂飲卒爵太祝受爵還樽所告官俛伏興再拜訖引還
本位太祝進跪徹豆俛伏興還樽所奉禮曰再拜在位
者皆再拜告官則不拜奉禮又曰再拜告官以下皆再拜謁

者進告官之左白請就望瘞位謁者引告官就望瘞位
北向立于告官將拜太祝以篚進神前取幣齋郎取豆
血並寘諸瑑瑑東西各二人寘土半瑑謁者進告官之

右白禮畢遂引各官以出太祝與執尊壘者俱復執事
位立定奉禮曰再拜太祝以下皆再拜訖以次出其祝
版則燔于告所

平蕩寇賊宣露布

其日守宮量設羣官次露布至兵部侍郎奉以奏聞仍承
制集文武羣官客使于東朝堂羣官客使至俱就次各
服其服奉禮設羣官版位于東朝堂之前近南文東武
西重行北向相對為首又設客使之位如常儀設中書

令位于羣官之北南面量時刻吏部兵部贊羣官客使
出次謁者贊引各引就位立定中書令受露布置于案
令史二人絳公服對舉之典謁引中書令舉案者從之
出就南面位持案者立于中書令西南東面立定持案
者進中書令前中書令取露布持案者退復位中書令
稱有制羣官客使皆再拜中書令宣露布訖羣官客使
又再拜皆舞蹈訖又再拜謁者引兵部尚書進中書令
前受露布退復位兵部侍郎前受之典謁引中書令入

謁者引羣官客使各還次

遣使勞軍將

前一日執事者預設使者次于營南門之外道右南向使者至謁者引之次使者將到兵部預集大將以下于南門之外列左右廂俱重行北面對為首使者出次謁者引立于門西東面持節者立于使者之北史二人持制書案立于使者西南俱東面立定大將北面再拜謁者引使者持節者前導入門而左持案者從之使者

立于羣前南面持節者立于使者之東少南西向持案者立于使者西南東面又謁者引大將以下入立于使者之南依左右廂俱重行北面對為首立定持節者脫節衣持案者進使者前使者取制書持案者退復位使者稱有制大將以下俱再拜宣詔訖大將以下又再拜謁者引大將進使者前北面受制書退復位持節者加節衣謁者引使者持節者前導以出持案者從之俱復門外位大將以制書授左右拜送使者于門外使者

還大將入初使者出諸將以下以次出若賜衣物使者
出次立于門外立定執事者以衣物立于案南俱東面
北上使者入衣物隨入初大將受制書復位執事以衣物
遍授之大將以下受訖又再拜

大唐開元禮卷八十四

欽定四庫全書

大唐開元禮卷八十五

唐 蕭嵩等 撰

軍禮

皇帝講武

皇帝田狩

皇帝講武

仲冬之月講武於都外前期十有一日所司奏請講武
兵部承詔遂命將帥簡軍士有司先芟菜除地為場方
一千二百步四出為和門又於其內墀地為步騎六軍

營域處所左右廂各為三軍皆上軍在北中軍次之下
軍在南東西相向中間相去三百步五十步立表一行
凡立五行表表間前後各相去五十步為三軍進止之
節又別墀地於北廂南向為車駕停觀之處前三日尚
舍奉御設大次及御座於其中如常儀前一日講武將
帥及士卒集於墀所禁諠譁依方色建旗為和門於都
墀之中及四角皆建五綵牙旌旗鼓甲仗威儀悉備於
墀所大將以下各有統帥如常式步軍大將甲冑乘馬

教騎大將亦乘馬教習士衆為戰陣之法凡教為陣少者在
在前長者在後其還則長者在前少者在後長者持弓矢
短者持戈矛力者持旌旗勇者持鉦鼓刀楯為前行持稍
者次之弓箭者為後行將帥先教士衆使習見旌旗拍麾
之蹤旗卧則跪旗舉則起金鼓動止之節聲鼓則進聲金
則止知刑罰之苦賞賜之利持五兵之便戰鬪之備習串
跪起及行列險隘之路講武日未明十刻軍士皆嚴備五
刻將士皆貫甲步軍各為直陣以相俟將軍依儀各依格

備物大將軍各依格處分軍中立旗鼓之下

凡六軍各鼓十二鉦一大

角四並止于其軍後表之下

鑾駕出宮如常式講日未明七刻槌一鼓

為一嚴

三嚴時節前一日侍中奏裁出宮以剛日

侍中奏開宮殿門及城門未

明五刻槌二鼓為再嚴侍中版奏請中嚴文武官應從者

俱先至文武官皆公服司為小駕依圖陳設未明二刻

槌三鼓為三嚴諸衛各督其隊與鉞戟以次入陳於殿庭

諸侍衛之官各服其器服諸侍臣俱詣西階下奉迎

侍中負壘

如乘黃令進草輅于太極殿西階之前南向千牛將軍一

人執長刀立于輅前北向黃門侍郎一人在侍臣之前
贊者二人又在黃門之前侍中版奏外辦太僕卿奮衣
而升正立執轡皇帝升輅太僕卿立授綏升訖侍中中
書令以下夾侍如常黃門侍郎進當鑾駕前跪奏稱黃
門侍郎臣某言請鑾駕發引俛伏興退復位凡黃門侍郎奏請皆
進鑾駕前跪奏稱具官臣某言訖俛伏興鑾駕動稱警蹕黃門侍郎贊者
夾引以出千牛將軍夾輅而趨駕出承天門至侍臣上
馬所黃門侍郎奏稱請鑾駕權停勅侍臣上馬侍中前

承制退稱制曰可黃門侍郎退稱侍臣上馬贊者承傳
文武侍臣皆上馬諸侍衛之官各督其屬左右翊駕在
黃麾內贊者在供奉官人內侍臣上馬畢黃門侍郎奏
稱詣勅車右升侍中前承制退稱制曰可黃門侍郎退
復位千牛將軍升訖黃門侍郎奏稱請鑾駕發引退
復位鑾駕動稱警蹕如常鑾駕至墀所兵部尚書介冑
乘馬奉引至講武所入自都墀之北和門至兩步軍之
北當空南向黃門侍郎奏稱請降輅還侍位皇帝降輅

入大次而觀兵部尚書傳于東廂西向立三伏小退以通觀路領軍減小駕騎士立于都墀之四周侍臣依左右廂立于大次之前東西面北上文武九品以上皆公服文東武西在侍臣之外十步所重行北上諸州使人及蕃客先集于都墀北和門外東方南方立于道東西方北方立於道西皆向輅而立以北為上駕至和門奉禮曰再拜在位者皆再拜皇帝入次謁者引諸州使人鴻臚引蕃客東方南方立于大次東北南向以西

為上西方北方立于大次西北南向以東為上若有觀者立于都墀騎士仗外四周任意然後講武諸州使人及蕃客立定吹大角三通中軍將各以鞞令鼓二軍俱擊鼓三鼓有司偃旗步士皆跪二軍諸師果毅以上各進于中軍大將旗鼓之下左廂中軍大將立于旗鼓之東西面諸軍將立于旗鼓之南北面東上右廂中軍大將立于旗鼓之西東面諸軍將立于旗鼓之南北面西上以聽誓大將誓曰今行講武以教人戰進退左右一如

軍法用命有常賞不用命有常刑可不勉之誓訖左右
三軍各長史二人振鐸分循以警衆諸果毅各以誓詞
徧告其所部遂聲鼓有司舉旗士衆皆起騎徒皆
行及表擊鉦騎徒乃止又擊三鼓有司偃旗士衆皆跪
又擊鼓有司舉旗士衆皆起騎驟徒趨及表乃止整列立
定東軍一鼓舉青旗為直陣西軍亦鼓而舉白旗為方
陣以應之次南軍鼓而舉赤旗為銳陣北軍亦鼓而舉黑
旗為曲陣以應之次東軍一鼓而舉黃旗為圓陣西軍

亦鼓而舉青旗為直陣以應之次西軍鼓而舉白旗為方陣東軍亦鼓而舉赤旗為銳陣以應之次東軍鼓而舉黑旗為曲陣西軍亦鼓而舉黃旗為圓陣以應之凡陣迭為客主先舉者為客後舉者為主從五行相勝之法為陣應之每變陣二軍各選刀楯之士五十人挑戰于兩軍之前第一第二挑戰迭為勇怯之狀第三挑戰為敵均之勢第四第五挑戰為勝敗之形每將變陣先鼓而為直陣然後變從餘陣之法五陣畢兩軍俱為直陣

又擊三鼓有司偃旗士衆皆跪又聲鼓舉旗士衆皆起
騎馳徒走左右軍俱至中表相擬擊而還每退至一行
表跪起如前遂復本列侍中跪奏請觀騎軍又侍中稱制曰
可侍中俛伏興二軍吹角擊鼓誓衆俱進及表而止皆如步軍
惟無跪起騎軍東西迭為主客為五變之陣皆如步軍之法每
陣各八騎挑戰於兩陣之間如步軍法五陣畢俱大擊鼓而前
盤馬相擬擊而罷遂振旅而還凡步騎二軍之士備則滿數省
則半之損益隨時惟不得減將帥凡相擬擊皆不得以刃相及

凡步士逐退限過中表二十步而止不得過也騎士不在

此例

若因田狩則令講武軍士之外先期為圍觀訖乘馬鼓行親禽如別禮狩訖乘輅振旅而還如常儀

講武罷侍中跪奏稱侍中臣某言講武禮畢請還俛伏

興皇帝降御輿侍衛如常儀皇帝升輅太僕卿立授綏

升訖勅車右升千牛將軍升輅陪乘黃門侍郎奏稱請

鑾駕發引退復位鑾駕動稱警蹕如儀黃門侍郎贊者

夾引至侍臣上馬所黃門侍郎奏稱請鑾駕權停勅侍臣

上馬侍中前承制退稱制曰可黃門侍郎退稱侍臣上

馬贊者承傳文武侍臣皆上馬畢黃門侍郎奏稱請鑾駕發引退復位鑾駕動鼓吹振作文武羣官皆從如來儀

諸客使便還館

駕到承天門外至侍臣下馬所鑾駕權停文

武侍臣皆下馬千牛將軍降立于輅右訖鑾駕動千牛將軍夾路而趨駕入太極門至橫街北當東上閣迴輅南向侍中進當鑾駕前跪奏稱侍中臣某言請降輅俛伏興還侍位皇帝降輅御輿以入侍臣從至閣初文武羣官至承天門外舍人承制勅羣官還皇帝既入侍中版

奏請解嚴叩鉦將士各還其所明日羣官奉叅起居如別禮

皇帝狩田

仲冬狩田之禮前期十日兵部徵衆庶修田法虞部量地廣狹表所田之野前狩二日本司建旗于所田之後隨地之宜前一日未明諸將各帥士徒集于旗下不得喧譁質明麾旗後至者罰之兵部分申田令遂圍田其兩翼之將皆建旗及夜布圍訖

若圍廣或先期二日三日

圍闕其南

面

且據南面及
將隨地所向

駕出以剛日其發引次舍如常將至田

所皇帝鼓行入圍鼓吹令以鼓六十陳於皇帝東南西向

六十陳於皇帝西南東向皆乘馬

各備
蕭角

諸將皆鼓行赴圍乃

設驅逆之騎百有二十既設驅逆皇帝乘馬南向有司

斂大綏以從諸公王以下皆乘馬帶弓矢陳于駕前後

所司之屬又斂小綏以從乃驅獸出皇帝之前初一驅

過有司整飭弓矢以前再驅過本司奉進弓矢三驅

過皇帝乃從禽左而射之每驅必三跪以上皇帝發亢

大綏皇帝既發然後公王發公王發亢小綏諸公既發以次射之
訖驅逆之騎止然後百姓獵凡射獸自左而射之達於左膊為上
射達左耳本為中射達右耳本為次射左髀達於右髀為下射
羣獸相從不盡殺已被射者不重射其面不剪其毛其
出表者不逐之田將止虞部建旗于田內乃雷擊駕鼓
及諸將之鼓士徒譟呼諸得禽者獻於旗下致其左耳大獸
公之小獸私之其上著者以供宗廟次者以供賓客下
者以充庖厨乃命有司饁獸于四郊以獸告至于廟社

其因講武以狩則
先設國亦如之

大唐開元禮卷八十五

欽定四庫全書

大唐開元禮卷八十六

唐 蕭嵩等 撰

軍禮

皇帝射於射宮

皇帝觀射於射宮

皇帝射於射宮

前一日太樂令設宮懸之樂鼓吹令設十二案於射殿之
庭以當月之調登歌各以其合東懸在東階東西面西懸
在西階西東面南北二懸各登歌廣開中央

廣開中央
羣射位張

熊侯去殿九十步設乏於侯西十步北十步

乏侯邊避矢物以草

為之高廣七尺先有探為之則不須更設

設五楹庭前少西

楹長七尺博三寸厚一寸半龍首蛇

身所以委矢

布侍射者位於西階前東西北上布司馬位於侍

射位之南東面布獲者位於乏東東面布侍射射位於殿

階下當御前少西橫布南面侍射者弓矢俟於西門外陳賞物於

東階下少東置罰豐於西階下少西

豐者所以承罰爵形似豆大而卑

設罰尊於

西階西南北以堂深設篚於尊西南肆實爵加羈其日質明御

服武弁出樂作警蹕及文武侍衛皆如常儀文武官俱公服典

樂作及會並如元會之儀酒三遍侍中奏稱有司既具
請射又侍中前承制退稱制曰可王公以下皆降文官
立於東階下西面北上武官立西階下於射位之後東
面北上持釵戟隊羣立於兩邊千牛備身二人橫奉御弓
及矢立於東階上西面執弓者在北設坫於執弓者之
前又置御決拾筈于其上決今之射皆拾今之射捍獲者持旌自乏
南行當侯東行至侯負侯北面立負侯謂背侯向內立令衆射者見侯與旌
堦有志侍射者出西門外取弓矢兩手奉弓搯乘矢于
于中

帶

措挿乘矢四矢

入立于殿下射位西東面司馬奉弓自西階

升當西楹前南面揮弓命獲者去侯獲者以旌去侯西

行十步北行至乏止司馬降自西階復位千牛郎將一

人奉決拾以筭千牛將軍奉弓又千牛郎將奉矢進立于

御榻東少南西面郎將跪奠筭於御榻前少東遂拂以巾

取決興贊設決訖千牛郎將又跪取拾興贊設拾訖以筭退

奠于坵上復位千牛將軍北面張弓以袂順左右隈上

再下一

弓左右隈謂弓上面下面以衣袂摩拭上面再下面一度

西面左執弣右執

簫以進御訖退立于御榻東少後千牛郎將以巾拂矢
進十一供御皇帝欲射協律郎舉麾先奏鼓吹兩奏樂騶
虞五節御乃射第一矢與第六節相應第二矢與第七
節相應以至九節協律郎偃麾樂止千牛將軍以矢行
奏中曰獲下日留上日揚左日左方右日右方

留謂矢短不及

侯揚謂矢過侯左右謂矢偏不正

御射訖千牛將軍于御坐東西面受

弓退付千牛于東階上千牛郎將以筈受決拾退奠于
坵上復位侍射者進升射席北面立左旋東面張弓南

面挾矢協律郎舉麾乃作樂不作鼓吹奉樂狸首三節
然後發矢若侍射者多則齊發第一發與第四節相應第
二發與第五節相應以至七節協律郎偃麾樂止弓右

旋東面弛弓北面立乃退復西階下位

其射人多少臨時聽進止若九品以

上俱蒙賜射則六品以下後日引射所司監之

司馬升自西階楹前南面揮弓

命取矢司馬降復位取矢者以御矢付千牛郎將於東階下
侍射者矢加于楅北括侍射者釋弓于庭前北面東上
所司奏請賞侍射中者罰不中者侍中稱制曰可所司

立福之東西面監唱取矢取矢者各唱中者姓名中者
立于東階下西面北上不中者立于西階下東面北上
俱再拜所司於東階下以陳賞物受訖退復西面位酌者於
罰尊西東面酌進北面跪奠於豐上退立於豐南少西不中
者進豐南北面跪取豐上爵立飲卒爵跪奠豐下退復
東面位酌者北面跪取虛爵酌奠如初不中者以次進
飲皆如初飲訖典謁引王公以下及侍射者皆庭前北
面相對為首再拜訖引出持鉞戟隊復位御入奏樂警

蹕如常儀所司以弓矢出中門外付侍射者引出若御射無侍射之人則不設楅不陳賞物不設罰尊若御燕遊小射則常服不陳樂懸不行會禮王公以下事訖出無北面再拜之儀

皇帝觀射于射宮

前一日太樂令設宮懸之樂及登歌如親射之儀張麋侯去殿九十步設之于侯西十步設第一楅于庭前少西設第二楅于第一楅南二步以次五楅

楅所以承矢
楅皆龍首蛇

身長七尺博三寸厚一寸半

陳賞物于東階下少東置罰盞于西階

下少西設罰尊于西階南北以堂深設籩于尊西肆實

爵加罍布王公以下釋弓矢席位于中門外左右俱北

上布三品以上會席會于殿上如常儀布四品五品會

席位于西階南在樂懸內東廂者西面北上西廂者東

面北上

若殿上人少四品五品亦升之

布六品以下會席位于東西樂

懸南俱北上

若四品五品升殿則在懸內

布王公以下將射位于東

西階前俱北上布左右司射位于王公將射位前右者西

面右者東面俱北上布司馬位于右司射之南東面布

三品以上及左供奉官射席于御座東楹間少前又布

三品以下及右供奉官射席于御座西楹間少前

席各橫布

各容六人布四品以下射席于殿階下如殿上之儀布獲者

位於之東東面取矢者在獲者之南俱東面

獲者謂者矢踈密者置

左右司射各三人司馬二人其日質明王公以下俱公

服持弓矢分為左右引入至中門外位御服武弁服出

樂作警蹕如常儀

凡射先行會禮

酒三遍所司奏請賜王公以下

射侍中前承詔退稱制曰可王公以下將射者皆降庭

前北面相對為首再拜訖典謁引出復中門外位跪取

弓矢興兩手奉弓搯乘矢

搯持乘矢四矢

典謁引入復將射位

左右司射及司馬及獲者皆就位執罰尊者立于尊南

執籩者立于籩南皆北面酌者立于尊東西面獲者

持旌自之南行十步當侯東行至侯負侯北面立

負侯謂背

侯內向立令衆射者見侯與旌塚有志於中

左右司射各一人先導射皆

搯乘矢於帶以兩手奉弓左者從東階右者從西階

至階左者西面右者東面相顧立定俱升進各當席前
北面俱進升射席立定左廂者右旋西面張弓右廂者左旋
東面張弓俱南面挾一箇

挾謂置矢于弓

司馬執弓自西階升當右

射之前左旋南面揮弓命獲者去侯獲者持旌去侯西
行十步當之北行至乏止乃射左司射一發右司射一
發更迭射訖左司射右旋西面弛弓右司射左旋東
面弛弓俱北面立定俱少退各從東西階降于階
下相向立定乃退復位左右司射各于王公位前北面

次比王公從首六人引從東西階升如司射之儀至射

席相對為首北面立左者右旋西面張弓右者左旋東

面張弓俱南面挾一個所司奏請以射樂樂王公以下

若兩番射則每番惟射
殿中侯未須作樂相應侍中前承制退稱制曰可通事舍

人承傳西向告太常卿太常卿於西懸內東面命樂正

曰奏樂門若一言奏七節節
門踈數如一司射自西階升當御前少

西東向誓曰無射獲無獵獲不得射侯邊獲者又
不得獵過獲者之旁射者

俱逡巡司射退降復位司射又自西階升誓曰不鼓不釋

不與鼓節相應射者又逡巡司射退降復位協律郎舉
雖中不釋筭

麾作狸首之樂奏樂至第三節訖左右俱一發使與第
四節相應左右又一發使與第五節相應以至第七節
射訖協律郎偃麾樂止左廂射者左旋西向弛弓右廂
射者右旋東面弛弓俱北面立少退從東西階降立于
階下相向北上立定乃退左右司射各以次取六人俱
升射如初與樂節相應如初射訖退降如初四品以下
射于殿下即射席升降及射與樂相應如殿上儀射訖

者三品以下及近侍之官釋弓于下升復會位四品以下皆復會位坐其未射者皆立繼射如初射總訖司馬自西階升殿揮弓命取矢取矢者上中下矢各一人持其不中者矢亦使人持至庭前其第一矢跪加第一楅枻括其下以次加楅枻訖其取矢者各立楅枻南北面王公已下各降執弓庭前北面立所司奏請賞射中者罰不中者侍中前承制退稱制曰可所司立楅枻之西東面監唱取矢者各唱中者姓名中者立東階下西面北上依射中

欽定四庫全書

大庖廣元禮
卷八十六

踈密為序其不中者

謂四矢俱不中侯者

立于西階下東面北上

依品為序東西俱再拜所司東階下以次付賞物受訖

者退復西面位

若賜多且置于位待御入持出中門外付之

酌者于罰尊西東

面酌進北面跪奠豐上立于豐南少西不中者豐南北

面橫奠弓跪取爵立飲卒爵跪奠爵豐下取弓退復東

面位酌者繼酌奠于豐不中者以次飲皆如初若更射

則取矢者以矢就東西面位付射者付訖左右司射各

從首取王公以下六人升射如初始作樂與樂相應如

上儀其賞罰皆如初訖典謁者引中者及不中者及不射者皆庭前北面各依品相對再拜訖出復中門外位持鉞戟者復位御入樂作稱警蹕如常儀所司持矢出中門外付射者訖引出若御不親觀射則不設樂懸王公以下各執弓矢入庭前北面拜訖通事舍人宣勅賜王公以下食王公等皆再拜典謁引王公以下就東西廊下食訖舍人又宣勅賜王公以下射王公以下在位者皆再拜左右司射引王公以下射皆如御前之儀射訖王公

以下皆北面相對立通事舍人宣勅云射中者依算賜物不中者罰酒王公等皆再拜其受賞及罰皆如御前之儀北面再拜取矢訖引出

大唐開元禮卷八十六

欽定四庫全書

大唐開元禮卷八十七

唐 蕭嵩等 撰

軍禮

制遣大將出征有司宜乎太社

將告有司卜日如別儀前一日告官致齋於社所守
宮設告官以下次各於常所設諸將次於社宮北門
之外道西東向以南為上右校清除內外又為瘞瘠
二於南門之內壇西南如常奉禮設告官以下版位

如常儀設諸將位於北門之內當太社壇每等異位重行南面以東為上設諸將門外位於北門之外道西每等異位重行東向以南為上郊社令帥其屬以尊罍洗篚罍玉幣之篚入設皆如常式執尊罍篚罍者各於尊罍篚罍之後告曰未明十刻太官令預具牢饌質明告官以下各服其服太史令郊社令率其屬奉神席位升設如常郊社令良醞令之屬入實尊罍玉幣

太尊實以醴齊配坐之象尊其實亦如之凡尊皆三其方酒各

實于上尊禮神之玉太社太稷俱以兩珪有邸幣皆以玄一丈八尺奉禮帥贊者先

入就位贊者引御史太祝以下入行掃除如常

儀訖引就位贊引引告官以下俱就門外位謁者

引告官贊引引執事者入就位立定奉禮曰再拜贊者

承傳

凡奉禮有詞贊者皆承傳

告官以下皆再拜

其先拜者不拜

太官出帥

進饌者奉饌陳于西門外初告官入謁者引諸將俱就

門外位告官入訖謁者引諸將入就位立定奉禮曰再

拜大將以下皆再拜謁者進告官之左白有司謹具請

行事還本位諸祝俱取玉幣于篚各立于尊所謁者引
告官詣太社壇升自北陛南面立太祝取玉幣西向授
告官受玉幣進南面跪奠于太社神坐俛伏興少退南
面再拜訖謁者引告官立于東方西面太祝以幣南
向授告官告官受幣進西向跪奠于后土氏神坐俛伏
興少退西向再拜訖謁者引告官降自北陛詣太稷壇
升奠幣如太社壇之儀訖謁者引還本位諸祝各還尊
所太官令引饌入太社稷之饌入自正門配坐之饌入

自左闥至陞各由其陞升諸祝迎引于壇上各設于神

坐前

籩豆蓋罍徹之如式

施設訖太官令以下降復位諸祝各還

尊所謁者引告官詣壘洗盥手洗爵訖謁者引告官詣

太社壇升自北陞詣太社酒尊所執尊者舉罍告官酌

醴齊訖謁者引告官遂進太社神坐前跪奠俛伏興少

退南面立太祝持版進于神坐之右西面讀祝文

祝文臨時

撰訖興告官再拜太祝進跪奠版于神坐俛伏興還樽

所告官拜訖謁者引告官詣后土氏酒樽所取爵于玷

執樽者舉罍告官酌醴齊訖謁者引告官進后土氏神
坐前西面跪奠爵俛伏興少退西向立太祝持版進于
神坐之左南面跪讀祝文訖興告官再拜太祝進跪奠
版于神坐俛伏興還樽所告官拜訖謁者引告官進太
社神坐前南向立諸祝各以爵酌酒合置一爵一太祝
持爵進告官之右東向立告官再拜受爵跪祭酒啐酒
奠爵俛伏興太祝帥齋郎持俎進臧神前胙肉共置一
俎太祝持俎進西向以授告官告官受以授齋郎告官

跪取爵遂飲卒爵太祝進受爵復于坫告官俛伏興再拜訖謁者引告官降自北陛詣壘洗盥手洗爵訖謁者引告官詣太稷壇北陛升獻如太社壇之儀訖引告官降復位初告官詣太稷壇謁者引諸將詣太社壇升自西陛進立于太社神坐前南面東上初諸將升諸祝帥齋郎以爵酌福酒進諸將之東西面立諸將皆再拜受爵跪祭酒啐酒奠爵俛伏興諸祝帥齋郎進俎臧神前胙肉以次授諸將受以授齋郎諸將俱跪取爵遂飲

卒爵太祝帥齋郎受爵復于坵諸將俛伏興再拜訖謁者引諸將各降詣太稷壇飲福受胙如太社壇之儀訖引還本位奉禮曰再拜諸將以下皆再拜謁者引出初諸將出諸祝各進跪徹豆俛伏興還樽所

徹者籩豆各一少移于故

處

奉禮曰賜胙贊者唱再拜在位者皆再拜

已飲福受胙者不拜

奉禮曰再拜告官以下皆再拜謁者進告官之左白請就望座位謁者引告官就望座位南向立初告官將拜諸祝各執篚進神坐前跪取玉幣齋郎又以俎載牲體稷

黍飯爵酒興各由其陛降壇詣瘞埴以玉帛饌物置于
埴訖奉禮曰可瘞埴東西各四人寘土半埴謁者進告
官之左白禮畢謁者引告官贊引執事者以次出贊引
引御史以下皆再拜贊引引出若凱旋惟陳俘馘及軍
實于北門之外南面東上其告禮如上儀其祝版燔于
齋所

大唐開元禮卷八十七

欽定四庫全書

大唐開元禮卷八十八

唐 蕭嵩等 撰

軍禮

制遣大將出征有司告于太廟

制遣大將出征有司告于齊太公廟

制遣大將出征有司告于太廟

將告有司卜日如別儀前一日諸告官致齋于廟所衛尉設告官以下次各于常所右校清掃內外奉禮設告

官版位于內外並如常儀設諸將位于廟庭橫階之南
道東每等異位重行北向以西為上又設諸將門外位于南
門之外道東重行西向以北為上太廟令整拂神幄又帥
其屬以尊坫壘洗篚罍入設于神坐如常儀執樽壘篚
罍者各位于樽壘篚罍之後告日未明十刻太官預具
牢饌其饌每室用特牲一未明三刻諸告官以下各服其服太廟
令良醞令入實樽壘及幣每室犧尊二一實玄酒為上一實醴齊次之未明
二刻奉禮帥齋郎先入就位贊引引御史太祝以下再

拜入行掃除皆如常儀贊引引太廟令太祝宮闈令自東階入開瑤室奉出獻祖以下神主各置于坐皆如常儀訖各引就位又贊引引告官次入就位立定奉禮曰再拜告官以下皆再拜

其先拜者不拜

太官令出帥進饌者奉

饌陳于東門外初告官等入謁者引諸將以下入就位立定奉禮曰再拜諸將以下皆再拜謁者近告官之左白有司謹具請行事還本位諸祝俱取幣于篚各立于樽所謁者引告官升自東階詣獻祖廟室戶前北面立

太祝以幣東向授告官告官受幣進入室北面跪奠于
神坐俛伏興出戶北向再拜訖謁者引告官以次進奠
幣于懿祖以下如上儀訖謁者引還本位諸祝各還樽
所太官令引饌入自正門升自泰階諸祝迎引于階上
各設于神坐前遵豆蓋罍徹之如式設訖太官令以下降復位諸
祝各還樽所謁者引告官詣罍洗盥手洗爵執升東階
詣獻祖酒樽所執樽者舉罍告官酌醴齊訖謁者引告
官入詣獻祖神坐前北向跪奠爵俛伏興出戶北向

立太祝持版進于室戶外之右東向跪讀祝文

祝文臨
時撰

訖興告官再拜訖又再拜太祝進跪奠版于神坐俛伏
興還搏所謁者引告官以次獻懿祖太祖代祖高祖太
宗高宗中宗睿宗皆如上儀遍獻訖謁者引告官詣東
序西向立諸祝各以爵酌福酒合置一爵太祝持爵進
告官之左北面立告官再拜受爵跪祭酒啐酒奠爵俛
伏興諸祝各帥齋郎進俎臠神前胙肉共置一俎太祝
持俎以授告官告官受以授齋郎告官跪取爵遂

飲卒爵太祝進受爵復于坵告官俛伏興再拜訖謁者
引告官降復位告官飲福將訖謁者引諸將升自東階
進當皇考睿宗大聖真皇帝廟室少戶前北面西上初
諸將升諸祝帥齋郎以爵酌福酒詣諸將之東西面北
上諸將皆再拜受爵跪祭酒啐酒奠爵俛伏興諸祝帥
齋郎進俎臧神前胙肉以次授諸將諸將受以授齋郎諸
將俱跪取爵遂飲卒爵太祝帥齋郎受爵復于坵諸將
俛伏興再拜訖謁者引諸將降復位奉禮曰再拜諸將

以下皆再拜謁者引出諸祝各進神坐前跪徹豆俛伏

興還樽所奉禮曰賜胙贊者唱再拜在位者俱再拜

已飲

福受胙者不拜

奉禮曰再拜告官以下皆再拜訖謁者進告官

之左白請就望瘞位謁者引告官就望瘞位西向立于

告官將拜諸祝俱執篚進神坐前跪取幣齋郎以俎載

牲體稷黍飯爵酒興降自東階詣瘞塙以幣饌物置于

塙訖奉禮曰可瘞塙東西面各二人實土半塙謁者進

告官之左白禮畢謁者引告官贊引引執事者以次出

贊引引御史以下俱復執事位立定奉禮曰再拜御史
以下皆再拜贊引引出太廟令宮闈令納神主如常儀
祝版燭于齋宮若凱旋惟陳俘馘及軍實于南門之外北面西
上其告禮如常儀

大將出征告齊太公廟

將告有司卜日如別儀前一日諸告官致齋于廟所衛
尉設次各于常所右校清掃內外奉禮設告官位于內
外並如常儀諸將位于廟庭道東北向西上設諸將位

于南門之外道東西向北上廟令整拂神坐又帥其屬以樽站
壘洗篚簋入設皆如常儀執樽壘篚簋者各位于樽壘篚簋
之後告日未明十刻太官預具酒脯醢如常未明三刻諸告官

以下各服其服廟令良醢令之屬入實樽壘及幣

犧尊二一實以玄酒一實

以醴齊

未明二刻奉禮帥贊者先入就位贊引引廟令太祝等入

當階間北面西上立定奉禮曰再拜廟令以下皆再拜升自東
階入就位立定奉禮曰再拜告官以下皆再拜太官令出帥進
饌者奉饌陳于東門外謁者引諸將以下入就位立定奉禮曰

再拜諸將以下皆再拜謁者進告官之左白有司謹具
請行事還本位諸祝俱取幣于篚各立于樽所謁者引
告官升自東階詣太公神坐前北向立太祝以幣東向
授告官告官受幣進北面跪奠于太公坐俛伏興少退
北向再拜訖謁者引告官當留侯坐前東向立又太祝
以幣北向授告官告官受幣謁者引告官東向跪奠于
留侯坐興少退東向再拜訖謁者引告官詣壘洗盥手
洗爵訖謁者引告官升自東階詣太公酒樽所執樽者

舉冪告官酌醴齊謁者引告官入詣太公神坐前北向
跪奠爵俛伏興少退北向立太祝持版進于太公神坐
之右東向跪讀祝文

祝文臨
時撰

訖興告官再拜太祝進跪

奠祝版于神坐俛伏興還樽所告官拜訖謁者引告官
詣留侯酒樽所取爵于坵執樽者舉冪告官酌醴齊訖
謁者引告官進留侯神坐前東向跪奠爵興少退東向
立太祝持版進于留侯神坐之左北向跪讀祝文興告
官再拜太祝跪奠版于留侯神坐興還樽所奉禮曰再

拜告官以下皆再拜謁者進告官之左白請就望瘞位
太祝跪取幣興詣瘞塹以幣置于塹訖奉禮曰可瘞塹
東西廂各二人寘土半塹謁者進告官之左白禮畢奉
禮帥贊者告官皆復位立定奉禮曰再拜告官以下皆
再拜訖以次出其祝版燔于齋坊

大唐開元禮卷八十八

欽定四庫全書

大唐開元禮卷八十九

唐 蕭嵩等 撰

軍禮

祀馬祖

享先牧

祭馬社

祭馬步

仲春祀馬祖

將祀有司卜日如別儀前祀三日諸預祀之官散齋二
日致齋一日

散齋于正寢
致齋于祀所

散齋理事如舊惟不弔喪問

疾不作樂不行刑罰不判署刑殺文書不預穢惡致齋
惟祀事得行其餘悉斷其祀官已齋而闕者通攝行事
前二日守宮設祀官次于東壇之外道南北向以西為
上設陳饌幔于內壇之外郊社令積柴于燎壇方五
尺高五尺南出戶太官令具特牲之饌其日未明二刻
太史郊社令升設馬祖神坐于壇上近北南向席以莞
設神位於坐首奉禮設獻官位于壇東南南向執事位于
獻官東南俱西向北上設奉禮位于獻官西南贊者二

人在南差退又設奉禮贊者位于燎壇東北俱西向北
上設望燎當柴壇之北南向設祀官以下門外位于東
壇之外道南每等異位重行北向以西為上郊社令設
酒樽于壇上東南隅北向設洗于壇東南北向罍水在
洗東篚在洗西南肆篚實中爵執樽罍篚者各位于樽罍
篚幕之後設幣篚于樽站之所未明一刻太祝獻官以
下各服其服郊社與良醑之屬入實樽罍及幣質明謁
者引獻官以下俱就門外位奉禮帥贊者先入就位

贊引引太祝與執樽壘篚纂者入當壇南重行北面以

西為上立定奉禮曰再拜贊者承傳

凡奉禮有詞贊者皆承傳

太祝

以下皆再拜太祝與執樽者升自東階立于樽所執壘

洗篚纂者各就位謁者引獻官以下入就位立定奉禮

曰再拜在位者皆再拜謁者進獻官之左白有司謹具

請行事退復位太官令出詣饌所太祝跪取幣于篚興

立于樽所謁者引獻官詣神坐前北向立太祝奉幣東

向授獻官受幣進北面跪奠于神坐俛伏興少退北向

再拜謁者引獻官還本位太官令引饌入升自南陞太
祝迎引于壇上設于神坐前設訖太官令以下降復位
太祝還樽所謁者引獻官詣壘洗盥手洗爵訖謁者引
獻官升自南陞詣酒樽所執樽者舉罍獻官酌醴齊謁
者引獻官進神坐前北向跪奠爵俛伏興少退北向立
太祝持版進于神坐之右東面跪讀祝文曰維某年歲
次月朔日天子謹遣具官臣姓名告于馬祖天駟之神
爰以春季遊北于牧祗薦制幣犧齊粢盛庶品明薦于

馬祖天駟之神尚享訖興獻官再拜太祝進跪奠版于
神坐俛伏興還樽所太祝以爵酌福酒進獻官之右西
向立獻官再拜受爵跪祭酒遂飲卒爵太祝進受爵復
于北獻官俛伏興太祝帥齋郎進俎太祝臧神前胙肉
興以授獻官受以授齋郎謁者引獻官降自南陛還本
位太祝進跪徹豆俛伏興還樽所徹者遵豆各一
少移于故處奉禮
曰再拜在位者皆再拜已飲福受
胙者不拜奉禮又曰再拜在位
者俱再拜謁者進獻官之左白請就望座位謁者引

獻官就望座位南向立奉禮又帥贊者退立于燎壇東北位太祝進神坐前取制幣祝版爵酒又以俎載牲體稷黍飯興降自南陛南行當柴壇東南行自南陛登柴壇以幣酒祝版饌置柴上訖奉禮曰可燎東西面各二人以炬燎火起以炬投壇上火半柴謁者進獻官之左白禮畢遂引獻官以下出奉禮帥贊者還本位贊引引太祝以下俱復執事位立定奉禮曰再拜太祝以下皆再拜贊引引出

仲夏享先牧

將享有司筮日如別儀前享三日預享之官散齋二日
于正寢致齋一日于享所右校掃除壇之内外又為
瘞埽于壇之壬地方深取足容物衛尉設享官次于
東壝之外道南北向以西為上太官令具特牲之饌其
日未明二刻太史令郊社令設升先牧神坐于壇上近
北南向席以莞設神位于坐首奉禮設獻官位于壇東
南南向執事位于獻官東南俱西向北上設奉禮位于

獻官西南贊者二人在南差退俱西向北上又設奉禮
贊者位于座墻西南東面南上設望燎位于壇之西南
北向設享官以下門外位于東壝之外道南每等異位
重行北向以西為上郊社令設酒樽于壇上東南隅北
向設洗于壇東南北向壘水在洗東篚在洗西南肆
巾執樽壘篚者各位于樽壘篚之東後設幣篚于尊
拈之所未明一刻享官以下各服其服郊社令太官令
與良醖之屬入實樽壘及幣質明謁者引獻官以下俱

就門外位奉禮帥贊者先入就位贊引引太祝與執樽壘

篚冪者入當壇南重行北面以西為上立定奉禮曰再

拜贊者承傳

凡奉禮有詞贊者皆承傳

太祝以下俱再拜祝與執事

者升自東陞立于樽所執樽壘篚冪者各就位謁者引

獻官以下入就位立定奉禮曰再拜在位者皆再拜謁

者進獻官之左白有司謹具請行事退復位太官令出

詣饌所太祝跪取幣于篚興立于尊所謁者引獻官詣

神坐前北向立太祝奉幣東向授獻官受幣進北面跪

奠於神坐俛伏興少退北向再拜謁者引獻官還本位
太官令引饌入升自南陞太祝迎引於壇上設於神坐
前設訖太官令以下降復位祝還樽所謁者引獻官詣
壘洗盥手洗爵訖謁者引獻官升自南陞詣酒樽所執
樽者舉罍獻官酌酒謁者引獻官進先牧神坐前北向
跪奠爵俛伏興少退北向立太祝持版進神坐之右東
向跪讀祝文曰維某年歲次月朔日子嗣開元神武皇
帝遺具官臣姓名敢昭告於先牧之神惟神肇開牧養

厥利無窮式因碩馬爰以制幣犧齊粢盛庶品明薦於
先牧之神尚享訖興獻官再拜太祝進跪奠版於神坐
俛伏興還樽所太祝以爵酌福酒進獻官之右西向立
獻官再拜受爵跪祭酒遂飲卒爵祝進受爵復於牀獻
官俛伏興太祝帥齋郎進俎太祝減神前胙肉以授獻
官獻官受以授齋郎謁者引獻官降自南陛還本位太祝
進跪徹豆俛伏興還樽所徹者邊豆各一少移於故處奉禮曰再拜
在位者皆再拜

已飲福受胙者不拜

奉禮曰再拜在位者俱再拜

謁者進獻官之左白請就望瘞位謁者引獻官就望瘞
位北向立奉禮帥贊者又就瘞埽西南位太祝進神坐
前跪取幣爵酒又以俎載牲體稷黍飯興降自南陛北
行當瘞埽西行至埽以幣酒饌置於坎訖奉禮曰可瘞
東西面各二人寘土半埽謁者進獻官之左白禮畢遂
引獻官以下出奉禮帥贊者還本位贊引引太祝俱復
執事位立定奉禮曰再拜太祝以下皆再拜贊引引出
其祝版焚於齋坊

仲秋祭馬社

薦享之儀並與先牧同其祝文曰維某年歲次月朔日
子嗣開元神武皇帝遣具官姓名敢昭告於馬社之神
惟神肇教人乘用賴於今式因肆僕爰以制幣犧齊粢
盛庶品明薦於馬社之神尚饗

仲冬祭馬步

薦享之儀並與先牧同其祝文曰維某年歲次月朔日
開元神武皇帝謹遣具官姓名敢昭告於馬步之神惟

神為國所重在於閑牧神其屏茲凶慝使無有害載因
獻校爰以制幣犧齊粢盛庶品明薦於馬步之神尚饗

大唐開元禮卷八十九

欽定四庫全書

大唐開元禮卷九十

唐 蕭嵩等 撰

軍禮

合朔伐鼓

合朔諸州伐鼓

大讎

諸州縣讎

合朔伐鼓

二分二至即否

其日合朔前三刻郊社令及門僕各服赤幘絳衣守四門令巡門監察鼓吹令平巾幘袴褶帥工人以方色麾

旒分置四門屋下龍蛇鼓隨設于左東門者立于北塾

南面南門者立于東塾西面西門者立于南塾北面北

門者立于西塾東面

門側堂曰塾麾杠各長一丈旒以方色各長八尺

隊正一

人著平巾幘袴褶執刀帥衛士五人執五兵立于鼓外矛

處東戟在南斧鉞在西稍在北郊社令立攢于社壇四

隅以朱絲繩繫之太史官一人赤幘赤衣立于社壇北向

日觀變黃麾次之龍鼓一面次之在北弓一張矢四鏃

次之諸工鼓靜立候日有變史官曰祥有變工人齊

舉麾龍鼓齊發聲如雷史官稱止工人罷鼓其日廢務
百官守本司日有變皇帝素服避正殿百官以下府史
以上皆素服各于聽事之前重行每等異位向日立明
復而止

合朔諸州伐鼓

其日見日有變則廢務所司置鼓于刺史聽事之前刺
史州官及九品以上俱素服立于鼓後重行每等異位
向日立刺史先擊鼓執事代之明復俱止

大儺

大儺之禮前一日所司奏聞選人年十二以上十六以下為侏子著假面衣赤布袴褶二十四人為一隊六人作一行執事者十二人著赤幘襦衣執鞭工人二十二人其一人方相氏著假面黃金四目蒙熊皮玄衣朱裳右執戈左執楯其一人為唱師著假面皮衣執捧鼓角各十合為一隊隊別鼓吹令一人太卜令一人各監所部巫師二人令已下皆服以逐惡鬼於禁中有司預備每門雄雞及酒擬平巾幘袴褶

于宮城正門皇城諸門礮襍設祭太祝一人齋郎三人
右校為瘞塹各于皇城中門外之右方深稱其事前一
日之夕讎者赴集所具其器服依次陳布以待事其日
未明諸衛依時勒所部屯門列仗近仗入陳于階下如
常儀鼓吹令帥讎者各集于宮門外內侍詣皇帝所御殿
前奏振子備請逐疫訖出命寺伯六人分引讎者于長
樂門永安門以入至左右上閣鼓譟以進方相氏執戈
揚楯唱率唱振子和曰甲作食殛腓胃食疫雄伯食魃騰簡

食不祥覽諸食咎伯奇食夢強梁祖明共食磔死寄生
委隨食觀錯斷食巨窮奇騰根共食蠱凡使一十二神
追惡鬼凶赫汝軀拉汝幹節解汝肌肉抽汝肺腸汝不急
去後者為糧周呼訖前後鼓譟而出諸隊各趨順天門
以出分詣諸城門出郭而止儼者將出祝布神席當
中門南向出訖宰手齋郎醵牲肉磔之神席之西藉以
席北首齋郎酌酒太祝受奠之祝史持版于坐右跪讀
祝文曰維某年歲次月朔日天子遣太祝臣姓名敢昭

告于太陰之神玄冬已謝青陽馭節惟神屏除玄厲俾
無後艱謹以清酌敬薦於太陰之神尚享訖興奠版於席乃
舉牲并酒瘞於埽訖退其內寺伯導引出順天門外止

諸州縣儺

方相四人俱執戈楯唱率四人

戈今以小戟方相唱率俱以雜職充之

佻

子

都督及上州六十人中下州四十人縣皆二十人其方相唱率縣皆二人

取人年十五以

下十三以上雜職八人四人執鼓四人執鞭前一日之

夕所司帥領宿于州府門外

其縣門亦如之

未辨色所司白刺

史請引儺者入

其縣令則所司白縣令

將辨色宦者二人出門各

執青麾引儺者入

無宦者外人引導

于是儺者擊鼓俱譟呼鼓

鞭擊戈揚楯而入唱率唱侏子和曰甲作食殂胈胃食

疫雄伯食魑騰簡食不祥覽諸食咎伯奇食夢強梁祖

明共食殪死寄生委隨食觀錯斷食巨窮奇騰根共食

蠱凡使一十二神逐惡鬼凶赫汝軀拉汝幹節解汝肌肉

抽汝肝腸汝不急去後者為糧宦者引之遍索諸室及

門巷訖宦者引出中門所司接引出仍鼓譟而出出大

門外分為四部各趣城四門出郭而止初儺者入祝

五人各帥執事者以酒脯各詣州門及城四門

其縣門亦准此

儺者出便酌酒奠脯于門右襍祝而止乃舉酒脯埋于

西南

酒以爵脯以蓬

其祝文曰維某年歲次月朔日祝姓名敢

昭告于太陰之神寒往暑來陰陽之恒度惟神無泯其道以屏殄厲謹以酒脯之奠敬薦于神尚饗

大唐開元禮卷九十

欽定四庫全書

大唐開元禮卷九十一

唐 蕭嵩等 撰

嘉禮

皇帝加元服上

卜日

告園丘

告方澤

告宗廟

臨軒行事

謁見太后

卜日

皇帝將加元服有司卜日如別儀

告園丘

前一日諸告官清齋於告所諸衛各帥其屬晡後一刻各以其方器服守衛壇門守宮設告官以下次各於常所設陳饌於內壇東門之外道北南向右校掃除壇之內外郊社令積柴於燎壇如常儀奉禮設版位於內外並如常儀郊社令率其屬以樽坩罍洗篚罍入設皆如常執樽罍篚罍者各位於樽罍篚罍之後太官令預饌酒

脯醢告日未明四刻太史令郊社令各服其服升設神

席如常未明二刻諸告官各服其服郊社令良醢令入

實樽壘及玉帛

太尊二一實以明水為上一實以汎齊次之山壘二一實以玄酒為上一實以

清酒次之玉以四珪有卣幣以蒼

未明一刻奉禮帥贊者先入就位贊

引引御史太祝以下入行掃除如常儀贊明謁者引告

官以下俱就門外位奉禮帥贊者先入就位贊引引御

史以下就位謁者引告官贊引引執事者以次入就位

立定奉禮曰再拜贊者承傳

凡奉禮有詞贊者皆承傳

告官以下皆

再拜謁者進告官之左白有司謹具請行事退復位奉
禮曰再拜在位者皆再拜初謁者白請行事太官令出
帥進饌者奉饌陳於東門之外初太官令出太祝跪取
玉幣於篚興立於樽所謁者引告官升自午陛北向立
太祝以玉幣東向授告官受玉幣進北面跪奠於昊天上
帝神坐俛伏興少退北向再拜謁者引降還本位太祝
還樽所太官令引饌入升自午陛太祝迎引於壇上設
於神坐前

邊豆蓋畢徹之如式

設訖太官令以下降自東陛復位

太祝還樽所謁者引告官詣罍洗盥手洗爵訖升自南
陛詣酒樽所執樽者舉罍告官酌汎齊謁者引告官詣
神坐前北面跪奠爵俛伏興少退北面立太祝持版進於
神坐之右東面跪讀祝文

祝文臨
時撰

訖興告官再拜太祝

進跪奠版於神坐興還樽所告官再拜訖太祝以爵酌
罍福酒一太祝持爵進告官之右西向立告官再拜受
爵跪祭酒遂飲卒爵太祝進受爵復於坫告官俛伏興
謁者引告官降復位太祝進跪徹豆俛伏興還樽所奉

禮曰再拜在位者皆再拜

告官不拜

奉禮又曰再拜告官以

下皆再拜謁者進告官之左白請就望瘞位南向立於

衆官將拜太祝執籩進神坐取玉幣祝版降壇南行自

柴壇南陞升以玉幣祝版置於柴上戶內奉禮曰可

燎東西面各六人以炬燎火半柴謁者進告官之左白

禮畢謁者引告官贊引引執事者以次出御史太祝以

下俱復執事位立定奉禮曰再拜御史以下皆再拜贊

引引出

告方澤

前一日諸告官皆清齋於告所諸衛各帥其屬晡後一刻各以其方器服守衛壇門宇宮設告官以下次各於常所設陳饌幔於內壝東門之外道北南向右校掃除壇之内外又為埋埽於壇南外壝之内方深取足容物北出陞奉禮設版位於内外並如常儀郊社令帥其屬以樽坩蠡洗篚冪入設皆如常執樽蠡篚冪者各位於樽蠡篚冪之後太官令預饌酒脯醢告日未明四刻太

史令郊社令各服其服升設神席如常未明二刻諸告

官各服其服郊社令良醞令入實樽壘及玉

設太尊二一實明水

為上一實醴齊次之山罍二一實玄酒為上一實清酒次之玉以兩珪有邸幣以黃色

未明一刻

奉禮帥贊者先入就位贊引引御史太祝以下入行掃

除如常儀贊明謁者引告官以下俱就位如常贊引引

御史以下入就位謁者引告官贊引引執事者次入就

位立定奉禮曰再拜贊者承傳

凡奉禮有詞贊者皆承傳

告官以下

皆再拜謁者進告官之左白有司謹具請行事退復位

奉禮曰再拜在位者皆再拜初謁者請行事太官令出
帥進饌者奉饌陳於東門之外初太官令出太祝跪取玉幣
於篚興立於樽所謁者引告官詣壇升自南陛北向立
太祝以玉幣東向授告官謁者引告官進北面跪奠於
神坐俛伏興少退北面再拜謁者引降復位太祝還樽
所太官令引饌入升自南陛太祝迎引於壇上各設於
神坐前籩豆蓋簠
徹之如式設訖太官令以下降自東陛復位太
祝還樽所謁者引告官詣壘洗手洗爵訖升自南陛

詣酒樽所執樽者舉罍告官酌醴齊謁者引告官詣皇
地祇神坐前北向跪奠爵俛伏興少退北向立太祝持

版進於神坐右西向跪讀祝文

祝文臨
時撰

訖興告官再拜太

祝進跪奠版於神坐還樽所告官再拜訖太祝以爵酌壘
福酒一太祝持爵進告官之右東向立告官再拜受爵
跪祭酒遂飲卒爵太祝進受爵復於坵告官俛伏興再
拜訖謁者引告官降復位太祝進跪徹豆俛伏興還樽
所奉禮曰再拜在位者皆再拜

告官
不拜

奉禮又曰再拜告

官以下皆再拜謁者進告官之左白請就望瘞位謁者
引告官就望瘞位西向立於告官將拜諸太祝各執籩
進神坐前跪取玉帛興降就瘞坎以玉幣置於坎訖奉
禮曰可瘞坎東西面各四人寘土半坎謁者進告官之
左白禮畢謁者引告官贊引引執事者以次出御史太祝
以下俱復執事位立定奉禮曰再拜御史以下皆再拜
贊引引出其祝版燔於齋所

告宗廟

前一日諸告官清齋於廟所諸衛各帥其屬晡後一刻各以其方器服守衛廟門守宮設告官以下次各於常所右校清掃內外又為瘞瘳於北門之內道西方深取足容物奉禮設版位於內外並如常儀又設望瘞位於堂之東北當瘞瘳西向又設奉禮位於瘞瘳東北南向贊者二人在西少退太廟令整拂神幄又率其屬以樽坩罍洗篚冪制幣之篚入設皆如常儀執樽罍篚冪者各位於樽罍篚冪之後太官令預饌酒脯醢告日未明三

刻諸告官各服其服太官令良醞令帥屬入實樽壘及

幣

每室犧尊二一實明水為上一實醴齊次之山罍二一實玄酒為上一實清酒次之幣以白各長一丈八

尺

未明二刻奉禮帥贊者先入就位贊引引御史太祝以

下入行掃除訖各就位未明一刻贊引引太廟令太祝

以下宮闈令入當階間北面西向立定奉禮曰再拜贊

者承傳

凡奉禮有詞贊者皆承傳

太廟令以下皆再拜升自東陛入

開墻室奉出太祖以下神主各置於座如常儀訖各就

位贊明謁者引告官以下俱就門外位立定又引入就

位立定奉禮曰再拜告官以下皆再拜

其先拜者不拜

謁者進

告官之左白有司謹具請行事退復位太官令出帥進饌者奉饌陳於東門之外初太官令出諸太祝俱取幣於篚各立於樽所謁者引告官升自東陛詣獻祖廟室戶前北面立太祝以幣東向授告官受幣進入北面跪奠於神坐俛伏興出戶北面立再拜謁者引告官以次進奠幣於懿祖以下皆如上儀訖謁者引還本位諸太祝各還樽所太官令引饌入自正門升自太階諸太祝

迎引於階上各設於神坐前

邊豆蓋纂徹之如式

設訖太官令以

下降復位諸太祝各還樽所謁者引告官詣壘洗盥手

洗爵訖升自東陛詣獻祖酒樽所執樽者舉纂告官酌

爵壘謁者引告官入詣獻祖神坐前北向奠爵俛伏興

出戶北向立太祝持版進於室戶外之右東面跪讀祝

文

祝文臨時撰

訖興告官再拜太祝進跪奠版於神坐俛伏

興還樽所告官拜訖謁者引告官以次酌獻皆如獻祖

之儀

唯不盥洗

遍獻訖謁者引告官詣東序西向立諸祝各

以爵酌鬯福酒合置一爵一太祝持爵進告官之左北
向立告官再拜受爵跪祭酒遂飲卒爵太祝進受爵復
於坵告官俛伏興再拜謁者引告官降復位諸太祝各
入室跪徹豆俛伏興還樽所奉禮曰再拜在位者皆再
拜告官不拜奉禮又曰再拜告官以下皆再拜謁者進告官

之左白請就望瘞位奉禮贊者轉就瘞塹東北位謁者
引告官就望瘞位西向立於告官將拜諸太祝各執篚
進神坐前跪取幣興降自太階詣瘞塹諸太祝以制

幣置於瑑訖奉禮曰可瘞瑑東西面各四人寘土半瑑
謁者進告官之左白禮畢謁者引告官贊引引執事者
以次出初白禮畢奉禮贊者還本位御史太祝以下俱
復執事位立定奉禮曰再拜御史以下皆再拜贊引引
其祝版燔於齋所太廟令太祝宮闈令納神主如常儀
臨軒行事

先一日尚舍奉御設御冠席於太極殿中楹之間南向
莞筵紛純加藻席續純加次席黼純守宮設羣官次於

朝堂太樂令展宮懸於殿庭並如常儀設協律郎舉麾
位於殿上西階之西東向一位於樂懸東南西向鼓吹
令分置十二案於建鼓之外乘黃令陳車輅尚輦奉御
陳輿輦如常儀典儀設文官一品以下五品以上位於
懸東六品以下於橫街之南皆重行西面北上設武官
一品以下五品以上位於懸西六品以下於橫街之南
當文官皆重行東面北上設朝集使位分方於文武官
當品之下設諸親位於四品五品之下

皇宗親在東
異姓親在西設

蕃客位各分方於朝集使六品之南諸州使人分方於朝集使九品之後又設太師太尉位於橫街之南道東北向西上又設典儀位於懸之東北贊者二人在南少退俱西向奉禮設門外位於西朝堂皆如元日之儀其日諸衛勅所部屯門列黃麾仗如常羣官依時刻集朝堂俱就次各服其服通事舍人引就朝堂前位侍中版奏請中嚴太樂令鼓吹令帥工人入就位奉禮即設壘洗於阼階東南壘在洗東加勺罍篚在洗西南肆實

巾加幕尚舍奉御設席於東房內近西又張帷於東序

外殿中監陳袞服於東房內席上東領玄衣纁裳十二

章

八章在衣日月星辰山龍華蟲火宗彛四章在裳藻粉米黼黻

白紗中單黼領青

標襜裾革帶玉鈎躰大帶

青帶朱裡純其外上以朱下以綠鈎用組之

朱黻

三章

山龍火

鹿盧玉具劍火珠鏤首白玉雙珮玄組大雙

綬六綵玄黃赤白縹緣純玄質長二丈四尺五寸首廣

一尺

小雙綬長二尺六寸色同大綬而首半之間施三玉環

朱韞赤舄金飾續纁

用白

羅中方六寸屬帶於前兩幅

玉簪及擲三物同箱在服北尚舍奉御設

莞筵一紛純加藻席績純加次席黼純又在南尚食奉
御實醴樽於東序外惟內坩在樽北實角觶柶各一加羃
饌陳於樽西籩豆各十二俎三在籩豆之北設罍洗於樽
東罍在洗西加勺羃篚在洗東北肆實巾加羃執樽罍
籩豆及在庭罍篚者並絳公服立於其所袞冕垂白珠
十有二旒以組為纓色如其綬黻纁充耳玉導置於箱
太常博士一人立於西階下近西東面諸侍衛之官各
服其器服俱詣閣奉迎典儀帥贊者先入就位通事舍

人各引群官入就陪列位太常博士引太常卿升西階
立於西房外當戶北向侍中版奏外辦皇帝著空頂黑
介幘雙童髻雙玉導絳紗袍以出侍衛警蹕如常儀皇

帝將出仗動太樂令令撞黃鐘之鐘右五鐘皆應協律郎

舉麾鼓祝奏太和之樂

凡樂皆協律郎舉麾工鼓祝而後作偃麾戛鼓而後止

皇

帝出自西房太常博士引太常卿太常卿引皇帝

每太常卿

前導皆博士先引

皇帝即御坐南向立樂止

太常卿與博士退立於皇帝之左

通事舍人引太師太尉入就位

凡太師太尉進退皆舍人導引太師初

入門舒和之樂作至位樂止典儀曰再拜替者承傳群
官在位者皆再拜太師升自西階太師初行樂作至階
樂止太師升立於西階上東面太尉詣阼階下疊洗盥
手升自東階詣東房內取纚櫛箱進跪奠於御坐西端太
師詣御坐前跪奏稱請坐退復位皇帝坐太尉進當御
坐前少左跪脫空頂幘置於櫛箱櫛畢設纚興少西東
面立太師降盥初降樂作盥訖詣西階下樂止太師受
冕左執頂右執前升自西階進當皇帝前少左樂作太

師祝曰令月吉日始加元服壽考惟祺以介景福乃跪
冠興復西階上位太尉進皇帝前少左跪設簪結纓興
復位皇帝興太常卿引皇帝遶東房殿中監進徹櫛纚
箱以退皇帝著袞服太常卿引皇帝出即席南向坐樂
止太尉詣序外帷內盥手洗觶酌醴加柶覆之面葉立於
序內南面太師進受醴面柄進御坐前北面祝曰甘醴
唯厚嘉薦令芳承天之休壽考不忘訖跪進觶興降立
於西階下東面於將祝殿中監帥進饌者奉饌設於御

坐前皇帝左執觶右取脯濡於醢祭於籩豆之間太尉
取肺一以進皇帝皇帝奠觶於薦西受肺却左手執本
右手絕末以祭上左手濟之授太尉太尉加於俎降立於
太師之南皇帝悅手

侍中一人
進悅巾

取觶以杣祭醴啐醴建

杣奠觶於薦東皇帝初受觶伏和之樂作奠觶訖樂止太
師太尉俱復橫街南位太師初行樂作至位樂止典儀
唱再拜替者承傳在位者皆再拜太師太尉出初行樂
作出門樂止侍中前跪奏禮畢皇帝興太樂令令撞蕤

賓之鐘左五鐘皆應太和之樂作太常卿引皇帝皇帝
入自東房侍衛警蹕如來儀入訖樂止通事舍人引東
西面位者以次出

謁見太后

其日冠訖著通天冠服詣太后所御殿如常朝見之式
尚宮引就殿前北面再拜訖尚宮引出還宮如常

大唐開元禮卷九十一

欽定四庫全書

大唐開元禮卷九十二

唐 蕭嵩等 撰

嘉禮

皇帝加元服下

謁太廟

會羣臣

羣臣上禮

謁太廟

將謁太廟有司卜日如別儀前一日皇帝清齋於太極殿太尉以下清齋於廟所近侍之官應從入廟者各於

欽定四庫全書

大唐開元禮
卷九十二

本司清齋一宿諸衛令其屬晡後一刻各以其方器服
守衛廟門與太樂工人俱清齋一宿前三日尚舍直長
設大次於太廟南門之外道西東向尚舍奉御鋪御坐
守宮設文武侍臣次於大次之後文官在左武官在右
俱東向設太尉以下次於齋坊之內設三師次於侍臣
次之東西向前二日太樂令設宮懸之樂於廟庭東方
西方磬簋起北鐘簋次之南方北方磬簋起西鐘簋次
之設十二鐃鐘於編懸之間各依辰位樹路鼓於北懸

之內道之左右植建鼓於四隅置祝敔於懸內祝在左
敔在右設歌鐘歌磬於廟堂之上前楹之間北向磬簋
在西鐘簋在東其匏竹者立於階間重行北向相對為
首

凡懸皆展而編之

諸工人各於懸後東方西方以北為上南

方北方以西為上右校清掃內外前一日奉禮設御位
於樂懸之南道西北向設太尉以下及御史等位於內
外並如常儀設酒樽之位於廟堂上前楹間各於室戶
之左北向每室雞彝一鳥彝一犧樽二山罍二皆加勺

罍皆西上各有坫焉

以置
罍爵

設洗於東階東南北向罍水

在洗東篚在洗西南肆

篚實以珪
罍中爵也

執樽罍篚罍者各位

於樽罍篚罍之後太廟令整拂神幄又帥府史齋郎以

樽坫罍洗篚罍入設於位其日未明十五刻太官令帥

宰人以鸞刀割牲於厨謁日未明三刻太尉以下各服

其服太官令良醢令各帥其屬實樽罍

雞彘犧樽之上
樽皆實以明水

山罍之上樽實以玄酒烏彘實以鸞
壺犧樽實以醴齊山罍實以清酒

太官令帥進饌者

實諸籩豆簋簋等未明二刻奉禮帥贊者先入就位贊

引引御史以下入行掃除如常儀訖各就位未明一刻

贊引引太廟令太祝宮闈令入自東門當階間重行北

面以西為上立定奉禮曰再拜贊者承傳凡奉禮有詞贊者皆承傳

太廟令以下皆再拜升自東階入開堦室奉出獻祖以

下神主各置於坐如常儀訖各就位質明謁者引太尉

以下俱就門外位太樂令帥工人次就位其升堂者皆脫屨于階

下降納如常謁者引太尉以下贊引引執事者次入就位立

定奉禮曰再拜太尉以下皆再拜其先拜者不拜謁者進太尉

之左白有司謹具請行事退復位協律郎跪俛伏舉麾興
凡取物者皆跪俛伏而取以鼓祝奏永和之樂乃以黃
興奠物則奠訖跪俛伏而興

鐘為宮大呂為角太簇為徵應鐘為羽樂九成

黃鐘三奏大呂

太簇應鐘各再奏

偃麾戛敔樂止

凡樂皆協律舉麾工鼓祝而後作偃麾戛敔而後止

奏

禮曰再拜衆官在位者皆再拜謁者引太尉詣罍洗太

尉盥手洗瓚升自阼階詣獻祖尊彝所執樽者舉冪太

尉酌鬱鬯訖登歌作肅和之樂乃以圜鐘之均

自後登歌皆歌

國詣者引太尉入詣獻祖坐前北向跪以它裸地奠之

俛伏興謁者引出戶北向再拜訖謁者引太尉詣懿祖
樽彝所執樽者舉纂太尉取瓚於坩醴爵匱謁者引太
尉入詣懿祖神坐前北面跪以匱裸地奠之如常儀俛
伏興謁者引太尉出戶北向再拜謁者引太尉次裸太
祖次裸代祖次裸高祖次裸太宗次裸高宗次裸中宗
次裸睿宗皆如上儀訖登歌止謁者引太尉降復位初
太尉既升裸太官令帥進饌者奉饌陳於東門之外謁
者引司徒出詣饌所司徒奉獻祖之俎初太尉既至位

太官令引饌入自正門俎初入門雍和之樂作

自後酌獻皆作雍和

以無射之均

自後接神之樂堂下皆奏無射

饌至階樂止饌升諸太祝

迎引於階上各設於神坐前

邊豆蓋罍徹之如式

設訖謁者引司

徒以下降復位諸祝各還樽所謁者引太尉詣罍洗盥

手洗爵訖升自阼階詣獻祖酒樽所執樽者舉罍太尉

酌醴齊訖樂作謁者引太尉入詣獻祖神坐前北面跪

奠爵俛伏興出戶北向立樂止太祝持版進於室戶外

之右東向跪讀祝文曰維某年歲次月朔日子孝曾孫

皇帝某

太祖以下
稱臣某

謹遣太尉封臣名敢昭告於獻祖宣

皇帝祖妣某氏敬遵恒典禮加元服以今吉辰祇見謹
以一元大武明粢薌合薌其嘉蔬嘉薦醴齊尚饗訖興

太尉再拜初讀祝文訖樂作太祝進跪奠版於神坐俛
伏興還樽所太尉拜訖樂止謁者引太尉以次獻皆如

獻祖之儀

唯不
盥洗

遍獻訖謁者引太尉詣東序西向立諸

祝各以爵酌壘福酒合置一爵一太祝持爵進太尉之

左北向太尉再拜受爵跪祭酒啐酒奠爵興諸祝各帥

齋郎進俎臠神前胙肉加於俎上又以籩取稷黍飯興以胙肉共置一俎以飯共置一邊先以飯授太尉太尉受以授齋郎又以胙肉授太尉太尉受以授齋郎太尉跪取爵遂飲卒爵太祝進受爵復於牀太尉興再拜訖謁者引太尉降復位贊引引御史太祝及執樽壘篚冪者俱就執事位重行西面立以俟皇帝既謁廟出門太祝等升復位訖登歌作雍和之樂諸祝各進入室徹豆還樽所

徹者籩豆各一少移於故處

登歌止奉禮曰賜胙贊者唱再拜

在位者皆再拜

太尉不拜

樂作奉禮又曰再拜在位者皆再

拜樂一成止謁者進太尉之左白禮畢遂引太尉出贊
引引執事者以次出贊引引御史太祝以下俱復執事
位立定奉禮曰再拜御史以下皆再拜贊引引出工人
以次出其祝版燔於齋坊太尉令太祝宮闈令納神主
如常儀

親謁

前出宮三日本司宣攝內外各共其職前一日守宮設

羣臣五品以上次於東西朝堂如常謁日晝漏上水三

刻鑾駕出宮發引前七刻掙一鼓為一嚴

三嚴時節前一
日左相奏

裁發引前五刻掙二鼓為再嚴侍中版奏請中嚴奉禮

設羣官五品以上位於東西朝堂如常文武官五品以上

俱集朝堂就次各服其服所司依圖陳小駕鹵簿發引

前二刻掙三鼓為三嚴諸衛之屬各督其隊與鈇戟以

次入陳於殿庭謁者引文武羣官各就位諸侍衛之官

各服其器服侍中中書令以下俱詣閤奉迎

侍中奉
寶如式

乘

黃令進金輅於西閣外南向千牛將軍一人執長刀立於輅前北向黃門侍郎一人在侍臣之前贊者二人又在黃門侍郎之前侍中版奏外辦太僕令奮衣而升正立執轡皇帝服袞乘輿以出警蹕侍衛如常儀千牛將軍前執轡皇帝升輅太僕卿立授綏侍中中書令以下夾侍如常黃門侍郎進當鑾駕前跪奏稱黃門侍郎臣某言請鑾駕引發俛伏興退復位

凡黃門侍郎奏請皆退鑾駕前跪奏稱具

官臣某言訖俛伏興

鑾駕動又稱警蹕黃門侍郎與贊者夾引以

出千牛將軍夾路而趨駕出承天門至侍臣上馬所黃
門侍郎奏稱請鑾駕權停勅侍臣上馬侍中前承制退
稱制曰可黃門侍郎退稱侍臣上馬贊者承傳文武侍
臣皆上馬諸侍衛之官各督其屬左右翊駕在黃麾內
符寶郎奉六寶與殿中監後從侍中中書令以下夾侍
於路前贊者在供奉官人內侍臣上馬畢黃門侍郎奏
稱請勅車右升侍中前承制退稱制曰可黃門侍郎退
復位千牛將軍升訖黃門侍郎奏稱請鑾駕發引退復位

鑾駕動稱警蹕鼓傳音如常不鳴鼓吹不得誼譁駕過
通事舍人引文武羣官不從者退就次以俟謁廟駕至
大次迴輅東向千牛將軍降立於輅右侍中進當鑾駕前跪
奏稱侍中臣某言請降輅俛伏興還侍位皇帝降路乘
輿之大次繖扇華蓋侍衛如常儀通事舍人引三師各
就便坐各服其服出立於大次門外太常博士引太常
卿立於大次門外當門西向侍中版奏外辦皇帝出次
華蓋侍衛如常儀

侍中負寶
陪從如式

博士引太常卿太常卿引

皇帝

凡太常卿前導皆博士先引也

至廟門外殿中監進鎮珪皇帝執

鎮珪華蓋仗衛停於門外三師迎侍者從入如常皇帝

初入太和之樂作至版位北向立樂止太常卿與博士

退立於左太常卿前奏稱請再拜皇帝再拜少頃太常

卿又奏稱請再拜皇帝又再拜訖太常博士引太常卿

太常卿引皇帝出還大次初行樂作出門樂止皇帝出

門殿中監前受鎮珪華蓋侍衛如常儀皇帝還大次侍

中版奏請解嚴

將士不得輒離部伍

皇帝停大次一刻頃搃一鼓

為一嚴轉仗衛於還塗如來儀三刻頃搥二鼓為再嚴
將士布隊仗侍中版奏請中嚴皇帝改著通天冠絳紗
袍五刻頃搥三鼓為三嚴文武侍臣詣大次奉迎乘黃
令進金輅於大次門外東向千牛將軍立於輅右侍中
版奏外辦太僕卿升執轡皇帝乘輿出次警蹕侍衛如
常儀皇帝升輅太僕卿立授綏黃門侍郎奏稱請鑾駕
發引俛伏興退復位鑾駕動警蹕如常儀黃門侍郎贊
引夾引千牛將軍夾輅而趨至侍臣上馬所黃門侍郎

奏稱請鑾駕權停勅侍臣上馬侍中前承制退稱制曰
可黃門侍郎退稱侍臣上馬贊者承傳文武侍臣皆上
馬畢黃門侍郎奏稱請勅車右升侍中承前制退稱制
曰可黃門侍郎退復位千牛將軍升訖黃門侍郎奏稱
請鑾駕發引俛伏興退復位鼓傳音鑾駕動鼓吹振作
而還文武群官導從如來儀駕將至通事舍人引文武
群官進就位以近駕為上駕至侍臣下馬所鑾駕權停
文武侍臣皆下馬千牛將軍降立於輅右侍臣下馬訖

鑾駕動千牛將軍夾輅而趨駕至橫街北當東上閤迴路南向侍中進當鑾駕前跪奏稱侍中臣某言請降路俛伏興還侍位皇帝降輅乘輿以入侍臣從至閤初皇帝入承天門舍人承旨勅羣官還皇帝既入閤侍中版奏請解嚴叩鉦將士各還本所

會羣臣

皇帝見廟之明日會羣臣如元會之儀其上壽詞云具官臣某言伏惟皇帝陛下吉辰元服禮脩樂和臣等不

勝大慶謹上千萬歲壽

羣臣上禮

前一日守宮量設次於東朝堂如常儀其日應上禮之官依時刻各集於次服朝服奉禮先設上禮之官位於東朝堂之前近南文東武西重行北面相對為首又設中書舍人位於吏部官之北南向設奉禮位於文官東北贊者二人在南差退俱西向通事舍人引應上禮之官就位立定令史二人對舉表案禮部郎中引就中書

舍人前取表授舍人訖引案退奉禮唱再拜贊者承傳
在位者皆再拜中書舍人奉表入進通事舍人引在位
者退

大唐開元禮卷九十二